



# МОНГОЛ УЛСЫН ЗАСГИЙН ГАЗРЫН ТОГТООЛ

2022 оны 11 дүгээр  
сарын 30-ны өдөр

Дугаар 434

Улаанбаатар  
хот

“Зүүнбаян төмөр зам” ХХК-ийн талаар  
авах арга хэмжээний тухай

Төрийн болон орон нутгийн өмчийн тухай хуулийн 9 дүгээр зүйлийн 5, Компанийн тухай хуулийн 20.1, 20.2, Төрийн хэмнэлтийн тухай хуулийн 17.1.1, Төмөр замын тээврийн тухай хүүгийн 9.1.1, 9.1.2, Бярипгын тухай хүүгийн 32.1.5, Монгол Улсын Их Хурлын 2010 оны 32 дугаар тогтоолын 2 дахь заалтын 2-т заасныг тус тус үндэслэн Монгол Улсын Засгийн газраас ТОГТООХ нь:

1. “Зүүнбаян төмөр зам” ХХК-ийн үйл ажиллагааг 2022 оны 12 дугаар сарын 31-ний өдрөөр зогсоож, “Монголын төмөр зам” ТӨХК-д нэгтгэн зохион байгуулсугай.

2. Тавантолгой-Зүүнбаян чиглэлийн төмөр замын төслийн хэрэгжилт, “Зүүнбаян төмөр зам” ХХК-ийн үндсэн болон санхүүгийн үйл ажиллагаанд хяналт шалгалт хийж, зохих дүгнэлт гаргуулах арга хэмжээ авахыг Зам, тээврийн хөгжлийн сайд С.Бямбацогт, Төрийн өмчийн бодлого, зохицуулалтын газар (Б.Цэнгэл), “Эрдэнэс Монгол” ХХК-ийн Төлөөлөн удирдах зөвлөл (Ш.Мөнхцэрэн)-д даалгасугай.

3. “Зүүнбаян төмөр зам” ХХК-ийн үйл ажиллагааг зогсоож, “Монголын төмөр зам” ТӨХК-д нэгтгэж байгаатай холбогдуулан “Монголын төмөр зам” ТӨХК-ийн дүрэм, бүтэц зохион байгуулалтыг шинэчлэх арга хэмжээг зохих журмын дагуу авч хэрэгжүүлэхийг Зам, тээврийн хөгжлийн сайд С.Бямбацогт, Төрийн өмчийн бодлого, зохицуулалтын газар (Б.Цэнгэл)-т даалгасугай.


4. Тавантолгой-Зүүнбаян чиглэлийн төмөр замын төсөлд “Эрдэнэс Тавантолгой” ХК-аас оруулсан хөрөнгө, санхүүжилтийг “Монголын төмөр зам” ТӨХК-ийн тээвэрлэлтийн үйл ажиллагааны орлого, холбогдох бусад эх үүсвэрээс барагдуулах арга хэмжээ авахыг Зам, тээврийн хөгжлийн сайд С.Бямбацогт, Уул уурхай, хүнд үйлдвэрийн сайд Ж.Ганбаатар, “Монголын төмөр зам” ТӨХК-ийн Төлөөлөн удирдах зөвлөл (Ц.Одхүү)-д тус тус даалгасугай.

5. Тавантолгой-Зүүнбаян чиглэлийн төмөр замын бүтээн байгуулалтын ажлыг бүрэн дуураагад шаардагдах ох үүсвэрийг тооцож, саналаа танилцуулахыг Зам, тээврийн хөгжлийн сайд С.Бямбацогт, Уул уурхай, хүнд үйлдвэрийн сайд Ж.Ганбаатар, “Монголын төмөр зам” ТӨХК-ийн Төлөөлөн удирдах зөвлөл (Ц.Одхүү), “Эрдэнэс Тавантолгой” ХК-ийн гүйцэтгэх удирдлага (Ж.Ганбат)-д даалгасугай.

6. Энэ тогтоол гарсантай холбогдуулан Засгийн газрын 2020 оны 117 дугаар тогтоолоор “Зүүнбаян төмөр зам” ХХК-д олгосон Тавантолгой-Зүүнбаян чиглэлийн төмөр замын суурь бүтэц барих тусгай зөвшөөрлийг 2022 оны 12 дугаар сарын 31-ний өдрөөс хүчингүйд тооцсугай.

7. Тавантолгой-Зүүнбаян чиглэлийн төмөр замын суурь бүтэц барих тусгай зөвшөөрлийг "Монголын төмөр зам" ТӨХК-д 2022 оны 12 дугаар сарын 31-ний өдрөөс олгосугай.

8. Энэ тогтоол гарсантай холбогдуулан "Төрийн өмчит хуулийн этгээд байгуулах, зөвшөөрөл олгох, төмөр замын барилгын ажлын санхүүжилтийг шийдвэрлэх арга хэмжээний тухай" Засгийн газрын 2020 оны 9 дүгээр сарын 23-ны 117 дугаар тогтоолын 1, 2 дахь заалтыг тус тус хүчингүй болсонд тооцсугай.



Монгол Улсын Ерөнхий сайд

Зам, тээврийн хөгжлийн сайд

Л.ОЮУН-ЭРДЭНЭ

С.БЯМБАЦОГТ